

INUIT ATAQATIGIIT

INATSISARTUNI



Nuuk, d. 27. maj 2015

Inatsisartut suleriaasianni § 37 naapertorlugu Naalakkersuisunut imaattunik apeqquteqarpunga:

Apeqqutit:

- 1) Pituffimmut tunngatillugu eqqartuussiserisumit misissuisitsinermut atatillugu suliaqsiit Naalakkersuisut Inatsisartunut nassiussinavaat, tamanut ammassumik imaluunniit oqaatigeqqusaanngitsumik?
- 2) Pituffimmi kiffartuussinissamut isumaqatigiissutip annaaneqarneranut atatillugu eqqartuussissuserisumik misissuititsinissamik Naalakkersuisut suliaqsiissutaat qanga naammassiva?
- 3) Eqqartuussissuserisumit misissuisitsinissamik Naalakkersuisut suliaqsiissutaanni ilassu teqarsimava, piigaqartoqarsimava imaluunniit allannguuteqartitsisoqarsimava?
- 4) Aappiuppat, taava suna peerneqarpa, allanngortinneqarpa imaluunniit ilassutaava, alla nnguutissallu kia kissaatigisimavai?
- 5) Misissuisitsinermut kinarpiaq suliaqsiissuaa – Naalakkersuisut ataatsimoortut, naalakkersuisoqarfik aalajangersimasoq imaluunniit sus assaqarfik aalajangersimasoq?
- 6) Misissuisitsinerup aallartereernerani suliaqsiissup eqqartuussissuserisullu akornanni eqqartueqatigiittoqarsimava, allakkatigut oqaasiinnarti gulluunniit?
- 7) Eqqartuussissuserisumik misissuisitsinermut atatillugu peqataasut akornanni isumakul uutunik allanik saqqummiussisoqarsimava?

(Inatsisartuni ilaasortaq, Sara Olsvig, Inuit Ataqatigiit)

Tunngavilersuut

Naak Pituffimmi kiffartuussinissamut isumaqatigiissutip annaaneqarneranut atatillugu eqqartuussissuserisumik misissuisitsinerup suliaqsiissutertaa tusagassiorfiit tigoreeraluaraat, suliaqsiissut suliaqsiissut Inatsisartunut saqqummiunneqarsimannigilaq. Pisap Kalaallit Nunaata aningaasaqarn eranut ataatsimullu isigalugu tamat oqartussaaqataanerannut assut pingaaruteqartutut inissisim anera eqqarsaatigalugu tamanna eqqumiiginarpoq.

Eqqartuussissuserisumik misissuisitsinermut paasissutissat Inatsisartut pigisaat tusagassiutit aqqutigalugit pineqarsimapput. Tamanna Naalakkersuisut Inatsisartut inuiaqatigiinni atuuffianut suliaqsiissut ataqqinninnginnertut misinnarmat isumakulunnartoqarpoq.

Taamaattumillu pisami apeqquteqatigiinnissaq pisariaqarpoq. Akissutissat ullut qulit suliffiusut iluanni akineqarnissaat kissaatigivagut.